

REGLUGERÐ

um stjórn botnfiskveiða 1987.

I. KAFLI.

Heildarafi.

1. gr.

Árið 1987 skulu leyfi til botnfiskveiða miðast við að afli úr helstu botnfisktegundum verði:

1. þorskur	330 þús. lestir
2. ýsa	60 þús. lestir
3. ufsi	70 þús. lestir
4. karfi	95 þús. lestir
5. grálúða	30 þús. lestir

Afli samkvæmt ofangreindu miðast við óslægðan fisk með haus.

II. KAFLI.

Flokkar fiskiskipa.

2. gr.

Samráðsnefnd skal með hliðsjón af veiðum skipa á árinu 1986 flokka öll íslensk fiskiskip í útgerðarflokka. Við flokkun skipa skal samráðsnefnd einnig taka tillit til veiðiheimilda skipa á árinu 1987. Útgerðarflokkar eru þessir:

1. Togarar.
2. Bátar án sérveiðiheimilda.
3. Síldarbátar.
4. Humarbátar.
5. Humar-og síldarbátar.
6. Rækjubátar.
7. Skelfiskbátar.
8. Loðnuskip.

Við flokkun skipa í útgerðarflokk 2, bátar án sérveiðiheimilda, skulu fiskiskip stærri en 100 brl., sem eingöngu stunda veiðar með vörpu, flokkuð sérstaklega varðandi sóknardagafjölda.

Sé við ákvörðun þorskaflahámarks, miðað við stærðir báta, skulu fiskiskip flokkuð þannig:

1. Bátar	10 brl. til og með 20 brl.
2. Bátar	stærri en 20 brl. til og með 50 brl.
3. Bátar	stærri en 50 brl. til og með 90 brl.
4. Bátar	stærri en 90 brl. til og með 110 brl.
5. Bátar	stærri en 110 brl. til og með 200 brl.
6. Bátar	stærri en 200 brl. til og með 500 brl.
7. Bátar	stærri en 500 brl.
8. Togarar	stærri en 200 brl. til og með 500 brl.
9. Togarar	stærri en 500 brl.

Við stærðarflokkun fiskiskipa er miðað við mælingarbréf Siglingamálastofnunar ríkisins fyrir skipið, sem gildi 1. janúar 1986. Sama gildir sé miðað við lengd skips. Komi nýtt eða

nýkeypt skip í stað eldra skips skal miða við mælingarbréf eldra skipsins er gilti 1. janúar 1986.

Við ákvörðun þorskaflahámarks fyrir flokk 8, togara 200-500 brl., skal það metið sérstaklega fyrir togara 39 metra og styttri annars vegar, og hins vegar fyrir togara lengri en 39 metrar, miða skal við mestu lengd skipsins.

Við ákvörðun þorskaflahámarks fyrir flokk 8 og 9, skal landinu skipt í tvö veiðisvæði:

Svæði 1: Frá Eystra-Horni vestur og norður um að Látrabjargi.

Svæði 2: Frá Látrabjargi norður og austur um að Eystra-Horni.

Við svæðaflokkun togara skal miðað við verstöð sem togari er gerður út frá, þegar reglugerð þessi öðlast gildi. Frystiskip er frysta eigin afla um borð skulu við ákvörðun þorskaflahámarks teljast til svæðis 1, hvaðan sem þau eru gerð út.

Heimilt er að víkja frá ofangreindum ákvæðum um mörk veiðisvæða sé það nauðsynlegt vegna sérstöðu veiðiskips.

III. KAFLI.

Aflamarksskip.

3. gr.

Aflamarksskipi skal úthlutað aflamarki fyrir eftirgreindar fisktegundir: þorsk, ýsu, ufsa, karfa og grálúðu.

Aflamark hvers skips skal tilgreint í heilum tonnum og er miðað við slægðan fisk með haus að karfa undanskildum.

Þegar breyta skal óslægðum fiski í slægðan skal margfalda þorsk, ýsu og ufsa með tölunni 0.80 en grálúðu með tölunni 0.92.

Þegar breyta skal slægðum fiski í óslægðan skal margfalda þorsk, ýsu og ufsa með tölunni 1.25 en grálúðu með tölunni 1.09.

Ráðuneytið skal ákveða þann stuðul, sem notaður skal til útreikninga á aflamarki skipa, sem vinna eigin afla um borð.

Við línuveidar í janúar, febrúar, nóvember og desember reiknast 50% aflans ekki til aflamarks fiskiskips, en réttur línuskips til framsals skerðist sem svarar öllum línuafli þess á þessum tímabilum.

Grálúða veidd á línu frá 1. júní til 31. ágúst, telst ekki hluti af aflamarki skips.

Allur afli, af framangreindum tegundum án tillits til stærðar sem fluttur er óunninn á erlendan markað á árinu 1987 reiknast til aflamarks og þorskaflahámarks með 10% álagi.

IV. KAFLI.

Sóknarmarksskip.

4. gr.

Veiðileyfi með sóknarmarki er veitt með því skilyrði, að sóknardagar til botnfiskveiða fari ekki fram úr tilgreindum fjölda á ákveðnu tímabili sbr. 8. gr. og þorskafli ekki yfir ákveðið hámark.

5. gr.

Sóknarmark hefst þegar skip heldur úr löndunar- og heimahöfn til veiða og lýkur þegar skip kemur í höfn með veiðarfæri innanborðs til löndunar afla, enda haldi það ekki úr höfn til veiða aftur fyrr en liðnir eru a.m.k. þrjár sólarhringar.

Sigli skip með eigin afla til löndunar á erlendum mörkuðum telst sá tími, sem fer til siglingar utan til sóknarmarks.

6. gr.

Útgerð eða skipstjóri sóknarmarksskips, skal tilkynna Fiskifélagi Íslands eigi síðar en 3 dögum eftir lok hvers mánaðar á þar til gerðu eyðublaði, hvaða daga viðkomandi skip hefur nýtt til sóknar á tímabilinu. Ennfremur er skylt að skila aflaskýrslum skv. 12. gr.

Heimilt er að stunda veiðar í allt að þremur dögum umfram úthlutaðan sóknardagafjölda tímabils, enda dragist jafnmargir dagar frá sóknardagafjölda næsta tímabils á eftir. Fari slík frávik fram úr þremur dögum um einn eða tvo daga reiknast þeir tvöfaldir til frádráttar á næsta tímabili á eftir. Frávik umfram fimm daga teljast brot á reglum þessum.

Heimilt er með samþykki ráðuneytisins að færa milli tímabila allt að fjóra af hverjum fimm sóknardögum, sem ekki hafa nýst til fiskveiða enda hafi skip orðið að liggja í höfn a.m.k. fimmtán daga vegna meiriháttar bilana. Útgerðaraðili skal sækja skriflega til ráðuneytisins um slíka yfirfærsludaga milli tímabila.

7. gr.

Sóknarmarksskipi, er á árinu 1987 óheimilt að veiða meira magn af þorski en tilgreint er í töflu í 2. mgr. þessarar greinar eða sem svarar þorskaflahámarki þess samkvæmt ákvæðum laga um stjórn fiskveiða 1986-1987 og sem leiðir af rétti skips til yfirfærslu þorskaflahámars milli ára.

Þorskaflahámars sóknarmarksskipa er sem hér greinir fyrir hvern stærðar-, útgerðar- og veiðisvæðaflokk fiskiskipa. Miðað er við slægðan þorsk með haus.

Útgerðarflokkur 1.

Togarar:

	Svæði I	Svæði II
39 metrar og styttri:	700 lestir	1050 lestir
Stærri en 200 bl.:	1200 lestir	1750 lestir

Útgerðarflokkur 2.

Bátar án sérveiðiheimilda:

10 brl. til og með 20 brl.:	120 lestir
Stærri en 20 brl. til og með 50 brl.:	210 lestir
Stærri en 50 brl. til og með 90 brl.:	350 lestir
Stærri en 90 brl. til og með 110 brl.:	370 lestir
Stærri en 110 brl. til og með 200 brl.:	460 lestir
Stærri en 200 brl.:	520 lestir

Útgerðarflokkur 3.

Síldarbátar:

110 brl. og minni:	350 lestir
Stærri en 110 brl.:	460 lestir

Útgerðarflokkur 4.

Humarbátar:

50 brl. og minni:	120 lestir
Stærri en 50 brl. til og með 90 brl.:	250 lestir
Stærri en 90 brl.:	270 lestir

Útgerðarflokkur 5.

Humar-og síldarbátar:

90 brl. og minni:	320 lestir
Stærri en 90 brl.:	340 lestir

Útgerðarflokkur 6.

Rækjubátar:

10 brl. til og með 20 brl.: 50 lestir
 Stærri en 20 brl. til og með 50 brl.: 90 lestir
 Stærri en 50 brl.: 120 lestir

Útgerðarflokkur 7.

Skelbátar:

10 brl. til og með 20 brl.: 40 lestir
 Stærri en 20 brl. til og með 50 brl.: 60 lestir
 Stærri en 50 brl. til og með 90 brl.: 120 lestir
 Stærri en 90 brl. til og með 110 brl.: 140 lestir
 Stærri en 110 brl.: 170 lestir

Varðandi útgerðarflokka 6 og 7 er heimilt að víkja frá ákvæðum 2. mgr. um þorskaflahámark og ennfremur ákvæðum 8. gr. um sóknardagafjölda, sé það talið nauðsynlegt vegna breytinga á aflatekjum af sérveiðum.

Við línuveiðar í janúar, febrúar, nóvember og desember reiknast 50% þorskaflans ekki til þorskaflahámarks.

8. gr.

Í töflu hér á eftir er tilgreindur fjöldi sóknardaga á einstökum tímabilum samkvæmt flokkun veiðiskipa í II. kafla:

Útgerðarflokkur 1, togarar.

Tímabil 1	Tímabil 2	Tímabil 3	Tímabil 4	
Jan.-feb.	Mars-apr.	Mai-ágúst	Sept.-des.	Samtals
44	48	88	90	270

Útgerðarflokkur 2, bátar án sérveiðiréttinda.

Tímabil 1	Tímabil 2	Tímabil 3	Tímabil 4	Tímabil 5	
Jan.-feb.	Mars-apr.	Mai-ágúst	Sept.-okt.	Nóv.-des.	Samtals
35	45	70	40	30	220

Útgerðarflokkur 2, togbátar sbr. 2. mgr. 2. gr.

Tímabil 1	Tímabil 2	Tímabil 3	Tímabil 4	
Jan.-feb.	Mars-apr.	Mai-ágúst	Sept.-des.	Samtals
40	45	80	80	245

Útgerðarflokkur 3, síldarbátar.

Tímabil 1	Tímabil 2	Tímabil 3	Tímabil 4	
Jan.-feb.	Mars-apr.	Mai-okt.	Nóv.-des.	Samtals
35	45	65	25	170

Útgerðarflokkur 4, humarbátar.

Tímabil 1	Tímabil 2	Tímabil 3	Tímabil 4	Tímabil 5	
Jan.-feb.	Mars-apr.	Mai-júní	Júlí-okt.	Nóv.-des.	Samtals
35	45	10	45	25	160

Útgerðarflokkur 5, humar-og sildarbátar.

Tímabil 1	Tímabil 2	Tímabil 3	Tímabil 4	Tímabil 5	
Jan.-feb.	Mars-apr.	Maí-júní	Júlí-okt.	Nóv.-des.	Samtals
35	45	10	30	15	135

Útgerðarflokkur 6, rækjubátar.**Suður- og vesturland.**

Tímabil 1	Tímabil 2	Tímabil 3	
Jan.-feb.	Mars-ágúst	Sept.-des.	Samtals
30	50	45	125

Vestfirðir, Norðurland.

Tímabil 1	Tímabil 2	
Jan.-maí	Júní-des.	Samtals
50	75	125

Útgerðarflokkur 7, skelbátar.

Tímabil 1	Tímabil 2	
Jan.-apr.	Maí-des.	Samtals
45	45	90

Engar takmarkanir eru á fjölda sóknardaga hjá línuveiðiskipum í janúar, febrúar, nóvember og desember.

Stundi skip grálúðuveiðar með línu innan tímabilsins 1. júní til 31. ágúst, teljast þeir dagar, sem nýttir eru til grálúðveiða, ekki sem hluti sóknardaga.

Stundi togarar (útgerðarflokkur 1) úthafs-rækjuveiðar teljast þeir dagar sem rækjuveiðar eru stundaðar sem sóknardagar. Þó skal hver dagur sem nýttur er til úthafs-rækjuveiða á tímabilinu 1. janúar—30. apríl aðeins vera sem hálfur sóknardagur.

9. gr.

Netaveiðar báta undir 10 brl. eru á tímabilinu 10. febrúar til og með 15. maí, heimilaðar í 65 daga með 80 lesta þorskaflahámaki.

V. KAFLI.

Ýmis ákvæði.

10. gr.

Skylt er að hirða og koma með að landi allan fisk af eftirtöldum tegundum, sem fæst í veiðarfæri fiskiskipa: Þorskur, ýsa, ufsi, karfi, skarkoli, grálúða og steinbítur.

11. gr.

Skipstjóra er skylt að halda fiski um borð í veiðiskipum aðgreindum eftir tegundum sbr. 10. gr. Ennfremur er honum skylt að láta meta og löggilta vigtarmenn vigta hverja tegund sérstaklega.

12. gr.

Útgerðaraðilum veiðiskipa, skipstjórnarmönnum og kaupendum er skylt að senda Fiskifélagi Íslands skriflegar upplýsingar um afla og aflasamsetningu og um úthald og sjósókn á eyðublöðum sem Fiskifélag Íslands leggur til. Vanskil á skýrslum og röng skýrslugjöf varða tafarlausri leyfissviptingu.

13. gr.

Óheimilt er að framselja botnfiskaflamark þeirra loðnuskipa, sem rækjuveiðileyfi fá á árinu 1987.

Framsalsréttur vegna loðnuskipa skerðist um 25 lestir af loðnu fyrir hvert tonn af óskelflettri rækju, sem þau afla. Skerðing þessi miðast við loðnuvertíð er hefst í júlí 1987.

Réttur til þess að framselja botnfiskaflamark skipa, sem leyfi hafa til úthafs rækjuveiða árið 1987 og frysta afla um borð, skerðist um jafnmörg þorskígildistonn og nemur þyngd óskelfletts rækjuafra skipsins það ár. Framsalsréttur vegna annarra rækjuskipa skerðist um 1/2 þorskígildistonn fyrir hvert tonn af óskelflettri rækju sem þau afla. Skerðing þessi skiptist á botnfisktegundir miðað við þorskígildi, sbr. 15. gr. í sömu hlutföllum og aflamark.

14. gr.

Á árinu 1987 skulu loðnuskip aðeins eiga kost á botnfiskveiðileyfi með aflamarki.

15. gr.

Við útreikning á takmörkun á rétti til framsals samkvæmt 13. gr. skal miða við þorskígildi samkvæmt leyfisbréfi til botnfiskveiða. Þegar þorskígildi er reiknað skal miðað við eftirfarandi verðmætishlutföll: þorskur 1.00, ýsa 1.10, ufsi 0.51, karfi 0.51 og grálúða 0.51.

16. gr.

Ráðuneytið getur sett nánari reglur um framkvæmd reglugerðar þessarar.

17. gr.

Brot á reglugerð þessari varða viðurlögum samkvæmt ákvæðum laga nr. 97 20. desember 1985, um stjórn fiskveiða 1986-1987. Með mál út af brotum skal farið að hætti opinberra mála.

18. gr.

Reglugerð þessi er sett samkvæmt ákvæðum laga nr. 97 20. desember 1985, um stjórn fiskveiða 1986-1987, til þess að öðlast þegar gildi og koma til framkvæmda 1. janúar 1987 og birtist til eftirbreytni öllum þeim sem hlut eiga að máli.

Jafnframt er felld úr gildi reglugerð nr. 450 30. október 1986, um aflamark helstu botnfisktegunda 1987.

Sjávarútvegsráðuneytið, 22. desember 1986.

Halldór Ásgrímsson.

Árni Kolbeinsson.

AUGLÝSING

um umferð á Sauðárkróki.

Samkvæmt heimild í 65. gr. umferðarlaga nr. 40/1968 og að fengnu samþykki bæjarstjórnar Sauðárkróks, eru hér með settar eftirgreindar reglur um umferð á Sauðárkróki:

Skagfirðingabraut verður aðalbraut að gatnamótum Sauðárkróksbrautar, en vikur fyrir umferð um þá síðarnefndu.

Lögreglustjórinn á Sauðárkróki, 16. desember 1986.

Halldór Þ. Jónsson.